



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

15. Ob has caussas meritò nos nostrum judicium, & nostram cognitionem diuinæ sapientiæ submittere.

urn:nbn:de:hbz:466:1-45653

piterna, & usque duret; cum homo ea quae audiuit, legit, non raro sequenti die obliuiscatur penitus, aut certe non penitus recordetur; quando autem nascitur, velut tabula quedam rasa, innans scientiae, plenus ignorantiae in mundum prodeat.

7. Cognitio hominis mutatur, iam enim minor, iam maior est; iam crescit, iam decrescit; iam fixa, iam instabilis est: at Dei scientia est inuariabilis ac uniformis, eademque semper; nec proficiens, nec deficiens. Quocirca nunquam dicit: Nesciui: Non satis intellexi, sicut tamen frequenter homines loqui audimus.

8. Nostra cognitio neque est una, neque potest simul exerceri; at Dei scientia est & simplex, & una, uno quippe & simplicissimo intelligendi actu & seipsum, & cetera omnia cognoscit.

9. Quia creaturæ cognitio est aduentitia, & homini accidit; Dei autem cognitio, est ipsa substantia Dei, immo Deus ipse; cui non aduerit scientia, sed semper adfuit, & est ipsa entitas Dei. Vnum ergo in Deo est esse, & scire: in homine aliud est esse, aliud, est scire.

10. Cognitio Dei est idea, & causa omnium rerum quae sunt; estque insuper quasi fons lucis, & lux immensa, quae se ipsam ad Angelos & homines, & omnia animalia diffundit, facitque cognosci & cognoscere omnia, quae aut cognoscunt, aut cognoscuntur. Hominis scientia est quedam tantum stilla istius lucis, aut scintilla. Itaque quod stilla est ad Oceanum, & scintilla ad immensum ignem comparata, hoc est nostra scientia, si cum infinita Dei sapientia conferatur.

An non igitur plus quam noctuæ, immo talpæ sumus, si nos adhuc cum Aquilina illa acie, aut tenebræ, si cum illo fulgentissimo sole comparamus? Et miramur, immo indignamur, si quarundam rerum, quae in orbe terrarum diuino nutu fiunt, causas non perspicimus? iamque, in Iudicijs suis ac Mundi gubernatione, Deum errare, & nos melius facturos, si penes nos esset gubernatio, arbitramur? O quantum, non Deus, sed nos ipsi, sic iudicando erramus! Nunquam id facturi, si aut nostræ mentis exiguitatem, aut diuinæ sapientiae immensos profundosque thesauros agnosceremus. Qualem enim sibi, obsecro, Deum imaginatur, qui putat eum, in Mundo gubernando, hallucinari? nempe hominem ipso, ut qui eum censere possit, inferiorem. Ergo Deum non-

XII.

XIII.

XIV.

XV.

putat esse Deum, qui Deum sic iudicat. Et tamen sunt, qui Deo leges ponere, & quid facere debeat, præscribere, quodque fecit, impatienter ferre, damnare, carpere audent.

XVI.

Matth 20.12

XXX

XVII.

XXXIX

Psal. 72. 16.

Thom. de
Kemp lib. 3.
de Imitat.
Christi. c. 4.

Quàm meritò istos tales reprehensores Deus reprehendit, sicut ille paterfamilias murmuratores, qui dicebant: *Hi nouissimi una hora fecerunt, & pares illos nobis fecisti, qui portavimus pondus diei & astus?* Quid, ô miseri, dicitis? Pares fecit, an ideò malè fecit? vt sic faceret, caussam habuit, vos non habuistis, vt murmuraretis. Iustus fuit ille, qui vobis, precio, quod pepigerat, persoluto,, iniuriam non fecit: vos iniusti, qui bonitatem illius liberalitatémq; in ceteros, & oculo nequam aspexistis, & proterue indicauistis. Longè proteruiiores sunt, qui Deum ipsum audent, lingua impetere, & Iudicia eius sanctissima, impiā temeritate suā contaminare.

Multorum euentuum caussam nequit homo plenè assequi, multorum nec attingit diuinando; nec expedit temerè illam scrutari, ne maiestatis scrutator, opprimatur à gloria. In cœlum harum quoque rerum cognitio reseruatur. Qui in gaudium Domini intrauerit, intrabit etiam in potentias Domini. Quò & David sibi scientiam occultorum Iudiciorū Dei reseruauit, eorum causas etiam post multum laborem non assecutus. *Existimabam, ait, ut cognoscerem hoc, labor est ante me: Donec intrem in Sanctuarium Dei: & intelligam in nouissimis eorum.* Saepè enim, quod in vita latet, etiā in morte hominis appetet. In cœlo autem semper Dei consilia, tanquam in Sanctuario, manifestantur. In terris illud accipe consilium, immò documentum: *Noli discutere opera Altissimi, sed tuas iniquitates perscrutare, in quantis deliquisti, & quàm multa bona neglexisti.*

C A P V T I V .

Licetum, & utile esse, ut subinde diuinorum Iudiciorum caussas indagemus.

I.

 Vanquam Iudicia Dei occulta, immò inscrutabilia sint, atque hominum intelligentiam multis parasangis, excedant, neque magis ab humanae mentis angustiā, quàm immensum pelagus ab exigua scrobe (quod D. Augustino ostensum fertur) queant comprehendendi, rectissimèque faci-